



Quoniam Apostolorū discipuli passim per terrarum orbem Christo Ecclesiam colligerent, factum est ut etiam Britannia à S. Pauli auditoribus ab idolorum cultu ad Christum conuerteretur. Itaque factum est ut S. Lucius Thimotei discipulus, & ex regio Britānorum sanguine prognatus sibi proposuerit, plures homines in errore perseverantes Christo lucrifacere. Propterea Rhetum ascendens ubiq; Euangelium prædicauit, atque demum in Boioariam peruenit. Ibi ad Danubium hærens substitit, atque eius regionis incolas in uera religiōe instituit. Deinde Augustam Vindelicorum celebrem urbem petijt, atq; eadem ra-

tione Germanorum aliquot cōuertit. cum autem plures essent, qui idolorum cultum nouæ huic doctrinæ præferrent, atq; pium Christi præconem persequerentur, ad Rhetos profectus est. Iter autem ingressus periculosum per Alpes ad Rhetorum Curiam peruenit. Vnde etiam locus ille, iuxta arcem Gutenberg, hodie quoq; S. Lucij iter, uel S. Lucij Steig appellatur. Ibi autem inuenit S. Emeritam Christi fidem profitentem & docentem. Itaq; hi duo mutua operam collocantes, plures homines à tenebris ad lucem perduxerūt. Cum autem Romani eam religionis mutationem ferre nō possent, atq; Antoninus Imperator anno centesimo septuagesimo sexto Christianos passim persequeretur, factū est, ut primò Emerita Trimis sublatus, postea S. Lucius quoq; ab eius regionis præfecto ex sua spelunca ad arcem Martiolam perductus, atq; deinde Curia martyrio affectus fuerit. Eccles.

Curienſis Annales. Iohan. Stumpff. in Rhetia. Hist. Eccl. Magdenb. Cent. 2.